

四庫全書

史部

欽定四庫全書

欽定大清會典則例卷一百六十八

內務府

武備院

一建置順治初年置鞍樓設三旗侍衛三人總理所屬員外郎四人筆帖式十有五人庫掌三人庫守二十四人○十一年改鞍樓為兵仗局○十八年改兵仗局為武備院○康熙十五年

分設甲庫鞍庫氊庫增設員外郎二人庫掌三人庫守十有八人○十六年鑄給武備院印信以理院事侍衛一人掌之設堂主事一人○二十一年設郎中一人○二十三年增設筆帖式五人○三十四年裁筆帖式二人○三十六年增設庫守四人○三十七年分鞍庫為二庫曰北鞍庫南鞍庫增設未入流庫掌二人○四十年增設未入流庫掌二人○四十五年增設

員外郎二人庫掌二人未入流庫掌四人筆帖式八人庫守十人○雍正六年裁清字筆帖式四人增設漢字筆帖式四人○又議準領院事侍衛改為三品卿○乾隆元年奏準增設主事一人○十四年奉

旨武備院卿定為二人由侍衛內務府官各簡一人補授仍簡大臣兼管院事

一四庫員役甲庫設司函官六人司函執事人

六名鍛作設司匠六人領催二十四名鍛匠九  
百七十六名鞘匠十名洗金匠五名釘匠內監  
二人甲作婦人二十一人○北鞍庫鞍房設領  
催一名鞍匠一百十有一名鞍版匠三十五名  
木匠二十一名繳蓋房設掌蓋二人擎蓋十有  
四人應役人三十二名幄次房設司幄三人幄  
長十有二人幄人一百二十名工部針工十有  
五名○南鞍庫皮作設領催三名纓匠十有三

名絛匠三十六名牛皮匠黑股皮匠各四十五  
名鹿皮匠三十三名馬皮匠九名斜皮匠十有  
二名滕皮匠三十六名鞅匠五名針工四十五  
名○毬庫設司弓三人委署司弓三人族長三  
十三人隨侍弓匠三十六人內府弓匠六十二  
名八旗滿洲蒙古漢軍每佐領下弓匠各一名  
司矢二人委司矢三人族長六人隨侍備箭執  
事人六人備箭執事人九人箭匠四十一名漢

軍箭匠二十五名鳴鏑匠族長一人鳴鏑匠八  
名毬作設領催一名冠帽匠十有八名毬匠鞞  
匠皮匠各六十名鞞底匠三十二名針工十有  
五名○順治十四年奏準增設甲作婦人九人  
○康熙九年奏準建毬作於沙河設司匠一人  
筆帖式二人庫守領催各三人佐領內管領下  
毬匠百名投充毬匠二百名○又奏準增設箭  
匠十有五名鳴鏑匠五名○十一年奏準增設

司夫一人○十六年奉

旨裁織蓋房應役人二名○二十年奏準增設擎蓋一人○二十一年奏準增設擎蓋七人應役人二十名○二十二年奏準增設擎蓋八人○二十七年議準裁鞍匠六十六名○又奏準裁鍛作司匠三人領催六名鍛匠一百三名○又奏準裁沙河氍匠七十四名○三十二年奏準增設隨侍備箭執事人十有五人箭匠十有六名隨



侍弓匠三十六名○三十三年奉

旨增設司蓋一人裁應役人十有五名○三十四年奉  
旨增設髑箭匠一人○三十六年奉

旨裁箭匠三十六名增設漢箭匠五名○三十七年奉  
旨增設幄人內府三旗每旗各十有五名○又定增設  
幄長三人○又奏準增設鳴鏑長一人○三十

八年奏準增設漢箭匠三十九名○三十九年  
奏準增設鞞作司匠一人領催二名○又奏準

增設幄長五人八旗席伯幄人四十五名○又  
奏準增設席伯鳴鏑匠六名席伯箭匠三十三  
名○四十年奏準增設鞍作司匠一人領催二  
名皮作司匠一人○又奏準司函官內設司函  
長一人○四十五年奏準增設內府三旗幄長  
六人幄人六十名○又奏準增設席伯鳴鏑匠  
三十一名○雍正四年裁冠帽匠四名漢箭匠  
九名鞍匠十有三名皮作各匠共五十九名鍍

匠一百二十三名氍匠七名鞞匠皮匠共二十八名○九年裁鍛匠四十五名

一織蓋凡

御殿

躬祀

壇

廟陳設黃羅繡九龍三檐曲柄華蓋

巡狩行幸陳騎駕鹵簿日設黃羅銷金九龍三檐曲

柄華蓋尋常黃綾銷金二檐繖或青羅繖羽段  
繖遇雨用大黃油繖小黃油繖並備

皇太后宮

皇后宮雨蓋○康熙三十六年奉

旨掌蓋著授為三等侍衛如有事故著鑾儀衛官及各  
處侍衛代替

一兵仗豹尾班所用朱漆畫龍繖豹尾朱釐槍

十杆

巡狩用本  
色木槍杆

鍍金雕龍大儀刀十把由院成

造交侍衛班領

皇太后

皇后豹尾班各造槍刀如之交內府護軍叅領內監  
所執槍四杆所佩腰刀四把內監坐更班房用  
腰刀四十七把槍四十七杆隨圍虎槍三百杆  
紫禁城內各門所設畫龍硃漆槍共三百十有五  
杆隨各該處咨取給發○順治初年定凡

禁門及各汛

紫禁城四門陳設橐鞬弓矢長槍等項軍器弓每  
日令弓匠張弛矢每十日令箭匠端杆磨鏃並  
礪槍年終見新其平時有應行修整者該直班  
官軍呈報統領行文本院修整○康熙四十六  
年奏準

紫禁城內兵丁看守各門班房所設軍器交內務  
府總管同直班護軍叅領點驗交代如有損壞  
報院修理如不小心看守以致損壞者即將直

班叅領題叅○雍正元年定各門橐鞬每八年  
弓矢十年槍十五年更換一次若未至更換之  
期即毀損不堪者統領効奏將官軍嚴處○五  
年奉準

紫禁城內各班房軍器如不小心看守以致損壞  
者由院察叅

一鞍轡凡

御殿

躬祀

壇

廟鹵簿仗馬飾嵌珊瑚青金綠松石鍍金雕龍鞞轡繡  
龍黃段鞞金鞍十具夏秋用茜紅氍牛尾繫纓  
春冬用青狐尾繫纓

御用鞍轡春冬用江獺皮緣豹皮鞞夏秋用繡龍段  
鞞凡鍍金龍飾豹尾鞞轡鞍十具鍍金龍飾黑  
馬尾鞞轡鞍十具遇朝服及慶典日用之其餘



鞍轡均無定額每鞍各備鞍籠一

皇子每位乘用小鞍各二具大鞍各四具均貯北  
鞍庫○官鞍凡漆鞍三十具椶鞞轡鞍百五十  
具傳事鞍五具擎蓋用繡水韉鞍十具漆鞍二  
具豫備坐鞍五百四十具銅飾鞞轡鞍四十具  
載衣包鞍二具載書鞍一具載茶鞍三具載礮  
鞍五具載繖蓋鞍五具備馱載鞍一百九十六  
具均貯南鞍庫

一設褥

太和殿

中和殿

保和殿

乾清宮

寶座設褥夏秋用黃龍繡段春冬用黑貂隨侍豫備

段褥皮褥同○順治初年定

三大殿等處設褥每年於春秋換季之日更換

內廷各處鋪設紅白氊每年一次將應換者奏請更換○康熙二十五年奏準每年更換氊條令總管內監驗看奏準乃換

一 幄次

上用黃幕以段或布為之官用青幕以布為之上用圓幄方幄官用圓幄均以氊為之帳房以青藍白色布為之恭遇

巡幸均奏請數目隨往○順治初年定

聖駕巡幸先期將

御用甲冑具奏請

旨豫備應用之大營幕幄及黃布幔城網城均繪圖

呈

覽搭造布城網城及隨纛之護軍叅領護軍率領輜  
重之嚮導人員均移咨護軍統領除委牽駝之  
八旗驍騎並管轄官員咨兵部轉行八旗除委  
又定恭遇

大閱先期將

御用甲冑及應用

御幄帳殿兩旁青幕均奏請豫備 康熙三

十六年奉

旨大閱停止搭蓋兩旁青幕 乾隆二十年奉

旨停止八旗驍騎牽駝增設八旗幄人二百

名

一橐鞬

上用倭段橐鞬一具隨侍橐鞬二十八具

乾清門陳設橐鞬二十具

圓明園宮門陳設橐鞬二十四具

紫禁城各門班房陳設橐鞬共五百六十九具

康熙六年奏準

躬祀

壇

廟具

御用飾東珠倭段橐鞬以司弓司矢恭奉隨侍

一射侯步射布侯高四尺七寸廣一尺以木為  
邊鞬以素布畫鹿形為正韁侯高五尺廣四尺  
虛中徑三尺中棲皮為的席侯亦如之皮鵠徑  
九寸至一寸五分布鵠徑一尺二寸至四寸各  
有差試武舉席侯高八尺廣五尺髣以朱繪鵠  
三上插五色旗五馬射韁毬圓徑八寸以白韁  
為之實以駝絨上綴朱髣烏槍設木牌為的高

二尺廣半之

一採伐木材順治初年定古北口外鞍匠三十  
五戶間一年採取鞍版一千三百五十具令驛  
傳遞送○又定八旗弓匠等每年往大水峪採  
取

上用弓胎六百官用弓胎三千五百二十有五○又  
定牆子嶺曹家路北山採取弓胎差司弓一人  
弓匠十有六名地方官給兵二百四十五名嚮



導人八名嚮導每名給盤費銀十八兩四錢所  
採弓胎令地方官運送○十八年題準古北口  
外採取鞍版間一年採送七百具停用驛傳令  
匠役等自行運送○康熙十八年議準

盛京佐領處每年採送楊木箭杆三千枝樺木箭  
杆二千枝作槳木百根槍杆三百根樹黃三倉  
斗六升火茸三斤火石一斗○三十九年奏準  
盛京佐領處每年額交圓幄柳木椽四百根○四

十五年議準牆子嶺採取弓胎停止該地方官  
嚮導兵丁差司弓一人引路新滿洲八名每旗  
弓匠族長一名弓匠九名給官馬前往○雍正  
五年奏準每年採取古北口外弓胎委出八旗  
司弓一人每旗弓匠族長一人弓匠十名照例  
給與官馬各給四十日口糧將所採弓胎令驛  
傳運送至京如貯庫弓胎有餘間年採取○又  
奏準

御用弓胎二千具貯庫官用弓胎三千二百具交兵部存貯○乾隆十五年議準樺木箭杆二千枝停止交送楊木箭杆每歲交七千枝

一徵收皮張順治初年定馬牛駝皮由馬牛羣及各莊園交納鹿麇熊麇豬野豬等皮由尚膳房移送象皮由光祿寺移送均收貯備用○又定每年委庫官一人率領催匠人往張家口會同稅務監督於游牧處倒斃馬駝牛皮內選取

足用令監督運送至京○十六年題準

盛京將軍每年交送麂皮一百六十張麇皮一百

四十張○十八年題準每年由戶部支取朝鮮

國青忝皮

即綠斜皮

一百五十張麂皮五十張○康

熙七年題準朝鮮國進貢青忝皮二百八十張

麂皮百張腰刀十口每年由禮部移送○十三

年定外藩進貢熏皮啟奏收貯內庫估價給賞

○十八年題準

盛京將軍每年止徵鹿皮百張○二十五年題準  
綠斜皮停止由戶部支取著本院自行成造○  
二十六年題準

盛京佐領每年交送

上用皂皮三十張官用皂皮七十張其染造需用五  
倍子三十斤由院置買給付○雍正元年免朝  
鮮國進貢青黍皮○四年奏準牛馬皮停止差  
官往張家口交稅務監督會牧場總管揀選運

送至京○又定張家口每年額送馬皮二千張  
馬駒皮千張駝皮百張牛皮三百張小牛皮千  
五百張犢皮二百張○八年定馬皮駒皮駝皮  
俾支交送竢應用時行文支取○乾隆六年定  
張家口交送牛皮每年增五百張○十一年定  
盛京佐領每年交送

上用皂皮十五張官用皂皮停止交送○又定染皂  
需用五倍子減去十五斤

一徵收毛角筋膠順治初年定每年春秋二季  
慶豐司剪取羊毛並廣儲司所有熟皮羊毛交  
送收貯○又定各莊園牛羣牛角尚膳房鹿角  
鹿筋均隨時交送貯庫○又定鰾膠以庫内存  
貯朽皮每年熬煮水膠鹿角膠盡用熬煮魚鰾  
廣膠酌量所用奏請由戶部支取烏喇捕牲人  
所得鰾魚鰾交送貯庫○又定每年差庫官一  
人率領催匠人往張家口會稅務監督於游牧

處剪得羊毛內揀選可用者令監督運送至京  
其寒羊毛羊絨由戶部支取○康熙九年題準  
游牧場春秋二季所剪之毛令其交送付沙河  
氈作○四十八年奏準寒羊毛羊絨停於戶部  
支取寒羊毛交臨清關稅務監督每年辦三千  
斤羊絨交河東鹽政每年辦千斤運送○五十  
四年定寒羊毛由山東巡撫辦送○雍正元年  
奏準停止河東交送羊絨遇用時動廣儲司庫



銀採買○四年議準張家口牧場所剪之毛停止差官辦理交該稅務監督會馬駝牛羊羣總管揀選運送○乾隆三年奏準貯庫黑白羊毛如不敷用奏交張家口稅務監督購買交送一徵收樺皮木賊草順治初年定寧古塔將軍每一年一次額交進

呈樺皮二百張

上用樺皮五千張官用樺皮二萬五千張暖木皮四

百五十斤木賊草四百五十斤由兵部移送

又定

盛京佐領每年額交木賊草五百斤○又定山海關外莊頭每名歲交茜草五十斤由會計司移送○乾隆四年奏準山海關外莊頭額交茜草每斤折銀七分交廣儲司庫收貯應用茜草由院委官於廣儲司領銀採買用過銀數年終題銷○十年定每二歲額交樺皮萬張

一徵收翅翎順治初年定雕翎鶴翎筋每年打捕戶捕送由都虞司交送收貯其鶴翅雉翅鴈翅遇用時行都虞司著捕戶捕送○又定奉宸苑所養孔雀等翎均隨時交送收貯蒙古王台吉等進貢鳥翎由內庫給賞若不足用由院採買○又定每年奉天將軍等捕送雕鶴等翅無定數到日令司矢揀選分別等第奏

聞折賞一等虎班雕每副賞銀五兩二等四兩三等

三兩四等二兩五等一兩一等兒雕每副賞銀  
七兩二等五兩五錢三等四兩四等二兩五錢  
一等芝蔴雕每副賞銀二兩二等一兩五錢三  
等一兩四等五錢重尾雕海鶴不分等第每副  
均賞銀五錢所交虎班雕海鶴等翅各如數賞  
銀外其芝蔴雕兒雕重尾雕應賞之銀每五錢  
折給毛青布一疋督捕虎班雕之官每人賞段  
二疋領催每名賞紬一疋毛青布四疋捕兒雕

芝蔴雕重尾雕海鶴之領催每名賞毛青布四  
疋驍騎每名三疋所賞銀布均移廣儲司賞給

○康熙六十年

盛京佐領捕送雕鶴等翅由院照例議賞具奏奉  
旨所議太過著減半賞給

一採買物料康熙四十八年題準造橐鞬刀鞘  
皮鞞等項用羸皮拴鞍造鞵夾版纏虎槍牛皮  
熟皮硝五倍子並造箭青鶴等翎每年共動用

崇文門稅務銀千兩採買所餘銀交廣儲司庫  
如不敷用奏請再取○雍正四年奏準採買皮  
料箭翎於原支崇文門稅務銀千兩內將五百  
兩交廣儲司由院領銀五百兩採買應用如有  
餘銀仍交廣儲司若遇款項繁多之年本院存  
項不能敷用於廣儲司領取應用仍將採買物  
料數目年終奏

聞○乾隆六年奉

旨嗣後採買餘銀若至百兩交送廣儲司如不至百兩著收貯備用

一領用金銀絲葉

上用什物鍍用金銀葉重一錢五分官用減五分儀仗什物如之賞用鞍勒鐙鍍用銀葉重一錢鐙雲鐙鑪眼錢重五分鐙雲釘頭貼用金葉重二分修理舊物

上用者鍍用金銀葉重一錢貼減五分官用者鍍貼

均重五分其應鍍器物量其廣狹每長三寸八

分濶二寸六分者用金銀葉一張重五分方二

寸五分者葉重二分長二尺濶一分者用金絲

六條

每條重一分

長三尺濶一分者用銀絲六條

每條

重一分

一奏銷順治初年定每年將成造用過見存之

上乘鞍駕鞍及各甲冑囊韉槍刀弓箭弓面皮張羊

毛氊翎筋鰓等物彙覈繕黃冊於次年題銷馬



策鞍版氊韉鞍籠舊鞦轡官鞍馱鞍箭鐵鷹鈴  
樺皮旱牛角弓胎皮絃槍杆木賊草火鏈包等  
物各該庫繕藍冊於次年呈結其各題奏本摺  
黃冊送廣儲司收貯○又定每月將領過廣儲  
司金銀段布各項數目及題奏咨呈事件彙繕  
二冊移稽察內務府御史衙門察覈○雍正五  
年覆準每年黃冊定於次年八月題銷藍冊定  
於次年九月呈堂○七年奏準每年由戶部領

用魚鰾等項於次年四月內題銷○乾隆五年  
奏準圓頂氍幄及黃蓋坐褥等項每年入黃冊  
具題○又定馬步射射侯氍毹每年入藍冊具  
呈年終繕冊移稽察內務府御史衙門察覈  
一看守庫藏順治十二年奏準各庫鑰匙交送  
內廷收貯○康熙四年奉

旨各庫鑰匙交乾清門直宿侍衛班領○八年奏準各  
庫每日封鎖後交與護軍叅領護軍校等守護

一照驗出入

禁城之外備用器物及由廣儲司領取者均呈堂  
填注領送官員職名行

景運門直班護軍統領照驗並知會稽察內務府  
御史衙門

一領用馬駝恭遇

車駕巡幸尚膳尚茶需用運水馬匹憑來文取用數  
目由院具奏駮載圓頂氍帳房需駝若干具奏

如之均行兵部領用本院官乘騎領兵部馬亦如之馱載

御用甲冑衣包幄幕射侯需用馬按數奏明行上駟院領用○康熙三十六年奉

旨凡出外每一駝著載二百二十斤○乾隆四年奏準恭遇

駕幸南苑隨從擎蓋人備箭執事人弓匠等各給官馬一匹

一領用車恭遇

車駕巡幸裝載什物每一車率七百五十斤計數應

用若干由院奏明行內務府

駕幸暢春園或

南苑裝載

上用什物車行兵部裝載官用什物車行內管領各

如數領用○康熙四十二年奉

旨嗣後行幸暢春園南苑等處所用兵部車輛著將所

載之物若干斤需用之車若干輛之處察明具奏取用倘不及具奏約數所用之車具奏取用至駐蹕察明補行具奏

一歲給端罩朝衣康熙十三年定掌蓋均給二等侍衛朝衣端罩司弓司矢均給三等侍衛朝衣端罩行廣儲司支取如升遷者不令繳還革退者行廣儲司追繳○乾隆四年奏準賞給侍衛等端罩每年冬季應用之日行廣儲司領用

用訖仍繳還○十一年定恭遇祭祀朝會掌蓋  
擎蓋人所服朝衣行廣儲司領取十分應用用  
訖繳還

一備用鞍轡每歲豫備鞍六十具以供

賞賜闕即補造○公主初生子彌月給有架鞍一具  
憑掌儀司來文給發○

盛京長寧寺僧每二年給黑犢皮鞦轡鞍一具

一分給田廬沙河司匠給官房十間筆帖式領

催庫守各給官房六間  
羶匠共給官房三百八

十八間

今見有房二百四十六門半

內頭目二十名各給官

地一畝二分其餘匠役各給官地一畝均令新舊交代相承為業

一分給帳房馬駝牛羊羣蒙古每四歲給圓頂  
羶廬各一具游牧地方馬牛羊羣蒙古每戶給  
羶廬各一具○康熙三十年題準所給馬駝牛  
羊羣蒙古圓頂羶廬改給帳房間年一換



一月給馬銀康熙二十三年定掌蓋司弓等每月各給整分馬銀擎蓋人隨侍弓匠繖蓋應役人每月各給半分馬銀○三十年定司函應役人給半分馬銀○三十九年定鳴鐃匠長給整分馬銀○四十九年定幄長二十七人向取官馬往湯山取水今各令自備馬一匹每月各給整分馬銀○乾隆七年具奏自康熙二十三年奏準賞隨侍備箭人擎蓋人等馬銀以來陸續

選補人員內有家道殷實並曾任稅差之子弟  
不給馬銀是以馬銀額數至今多寡不勻請照  
舊例增給奉

旨隨侍備箭執事人著定為半分馬銀三十分擎蓋  
人著定為半分馬銀二十分視伊等執事內行走  
勤家道艱難酌量賞給永著為例

一給食官飯雍正年間定

圓明園直班之司弓三人弓匠作長三名箭匠作

長一名箭匠六名掌蓋一人擎蓋五人應役人四名鞍庫庫守二人每日給食侍衛官飯○又定司矢三人隨侍備箭執事人三人箭匠六名執事人一名如成造弓箭等物每日給食侍衛官飯完日停止○又定司幄一人幄長三人幄人三十九名氊庫匠役八名每日給食執事人官飯一次○乾隆五年定司幄幄長照例給食官飯其幄人傳給官飯照倉人例給米菜木柴

止班日停給

一官役俸餉順治年間定司函由散秩官充補者食原俸由護軍充補者食原餉由護軍充補之擎蓋由驍騎充補之弓匠幄長幄人應役等人均食原餉由閒散人充補者每月各給銀二兩各庫庫守司匠領催給銀如之司幄每月給銀四兩匠役每月給銀一兩沙河氍匠每月給米二斛○康熙二十一年奏準司幄給七品俸



旨嗣後由驍騎選補幄人給食驍騎錢糧

一升除順治年間定本院員外郎主事員闕由內務府於內府及本院應升人員內簡選副庫掌員闕由院於所屬內簡選均引

見補授司弓闕於副司弓內簡選引

見補授副司弓闕於作長內作長闕於弓匠內弓匠闕於該旗滿洲旗下人內各簡選充補司矢闕於副司矢內簡選引

見補授副司矢闕於作長內作長闕於隨侍衛箭執  
事人內隨侍備箭執事人闕於備箭執事人內  
備箭執事人闕行上三旗滿洲蒙古都統於應  
選人內漢箭匠闕於內府三旗旗鼓佐領下間  
散壯丁內各簡選充補鳴鎗長闕於署鳴鎗長  
內簡選引

見補授署鳴鎗長闕於作長內作長闕於鳴鎗匠內  
鳴鎗匠闕於內府三旗驍騎間散壯丁內席伯

鳴鏑匠闕行上三旗滿洲蒙古都統於席伯駢  
騎及教養兵內各簡選充補司幄員闕於副司  
幄內簡選引

見補授副司幄闕於幄長內幄長闕於幄人內幄人  
闕行取該旗驍騎內各簡選充補各作司匠員  
闕於筆帖式庫守領催內簡選引

見補授領催闕於庫守匠役頭目幄人應役人內簡  
補內監領催及內監釘匠闕行掌儀司撥補沙



河疆匠闕於該疆匠子弟內拔補其餘各項匠役闕均行該旗於間散壯丁內選補○康熙七年奉

旨鞍庫庫守等別衙門有應升之闕亦著錄用○四十五年奉

旨各項執事人皆有升路惟弓匠實無升路著交該旗嗣後簡選年久者於本旗有應升之闕引見再別有用處亦著錄用補用人員內有工作好者著兩處行

走亦可○四十六年奉

旨補授副庫掌爾等宜會同內務府總管簡選各處應  
升之人與爾院人一同引見○雍正四年議準庫掌  
以下官員著本院堂官將應升人員簡選引

見補授○乾隆二年奏準主事員闕本院堂官將應  
升人員簡選引

見補授如本院無可升之人仍行取內務府應升人  
員簡選引

見○六年奏準庫守內有識清漢字能繙譯者以筆  
帖式調補○十五年奏準主事員闕仍由內務  
府選補

欽定大清會典則例卷一百六十八

欽定四庫全書

欽定大清會典則例卷一百六十九

鑾儀衛

一鹵簿原定

大駕鹵簿朝祭均用

行駕儀仗於

巡幸皇城內用之

行幸儀仗用以

時巡省方

臨祭均乘涼步輦

大朝日則設於

太和門東玉輅大輅大馬輦小馬輦香步輦並稱

五輦○乾隆七年奏準大祀

親詣行禮均

乘禮輿出宮至

太和門

乘輦○又奉

旨凡遇祀畢還宮均備禮輿永為定例○八年議準  
大輅改為金輅大馬輦改為象輅小馬輦改為  
革輅香步輦改為木輅玉輅仍舊以符五輅之  
制○十三年

諭朕敬

天尊

祖寅承祀祀

壇

廟祭器聿既稽考古典親為釐訂命所司準式敬造實  
文有章自今歲

圜丘大祀為始灌獻陳列悉用新成祭器展虔敬焉古  
者崇郊饗則備法駕乘玉輅以稱鉅典國朝定制  
有大駕鹵簿行駕儀仗行幸儀仗其名叅用宋明  
以來之舊而旗章麾蓋視前倍簡今稍為增益更  
定大駕鹵簿為法駕鹵簿行駕儀仗為鑾駕鹵簿

行幸儀仗為騎駕鹵簿合三者為大駕鹵簿

南郊用之

方澤以下皆用法駕鹵簿五輅酌仿周官及唐宋遺制  
金玉象草木各如其儀乘用亦自今歲

南郊始光昭羽衛用肅明禋諭所司知之欽此○又議  
準涼步輦改為

金輦更製

玉輦大祀



南郊乘

玉輦

北郊

太廟

社稷壇乘

金輦其餘各

壇

廟均乘禮輿遇朝會則

玉輦

金輦並設於

太和門外

巡幸皇城內設

鑾駕鹵簿

時巡省方設

騎駕鹵簿

一朝會執事原定

皇帝御太和殿受朝賀暨慶典筵燕由禮部鴻臚寺知會先一日本衛委官率校尉鋪梭薦於

殿陛至日陳設鹵簿以冠軍使等官六人立於丹陛西階三成各二人皆東面校尉執靜鞭分立於丹墀左右各二人東西面

駕出宮

午門鳴鐘鼓

陞座樂止冠軍使等官自一成階傳贊鳴鞭至三成

校尉北面鳴鞭者三文武各官行禮畢仍贊鳴鞭如前○又定

大朝日漏未盡時本衛委官率校尉自禮部昇表箋亭至

午門前陳設導以引仗鼓樂○又定

實錄

玉牒告成及每年進時憲書均委官率校尉昇進○又定每日黎明設常朝四象於

天安門外左右排列○又定凡遇

頒詔委官率校尉設雲盤黃蓋於

太和殿丹陛下設龍亭引仗於

午門外俟

詔出承以雲盤張黃蓋出

午門恭設亭內校尉昇亭黃蓋引仗前導於

天安門宣讀畢昇至禮部○發文武

殿試榜昇至

長安門外餘輿

頒詔同○又定文武

殿試由禮部兵部題請

簡用鑾儀使以下等官巡綽考選翰林庶吉士散館  
考選御史及主考博學宏辭由衛委官巡綽均  
分撥校尉給役歲貢生於

天安門外考試委官校巡綽亦如之○又定春秋  
經筵委官率校尉昇書案至講所○又定

親征

命將及凱旋受俘均照朝會陳設鹵簿

一祭祀執事原定冬至大祀

圜丘孟春

祈穀孟夏

常雩由太常寺知會先二日委官率校尉昇亭至

午門前次日昇入

太和殿陳祝版玉帛香俎

御殿閣畢昇至祀所

神庫安設均以引仗前導祀日請

神牌委官率校尉昇龍亭○又定

南郊各祀及大祀

北郊皆先一日委官率校尉陳鹵簿於

午門外

駕詣

齋宮鹵簿前導前部饒歌大樂均設而不作



皇帝盥洗冠軍使雲麾使進盥槃帨巾禮畢

回鑾園簿前導作前部鐃歌大樂以金二鳴鉦三鳴  
為鼓角作止之節時饗

太廟

駕出嚴鼓

回鑾鳴鐘

親祭

堂子春秋祭

社稷朝

日夕

月

耕藉饗

先農

親祭

前代帝王

先師孔子由太常寺知會祭日委官率校尉陳鹵簿

午門鳴鐘鹵簿前導

臨祭進盥槃帨巾

回鑾作樂儀同○又定凡遇

車駕出入

午門及祭祀詣

齋宮均安官率校尉鳴鐘○又定時饗

太廟祭

社稷安官率校尉鋪校薦

親祭

前代帝王

先師孔子

傳心殿均委官設拜褥

郊外之祭用太常官

○又定

太廟燎鑪灰每年委官率校尉送至金海河內○又定

日食月食救護及迎春洗象旗手衛官率校尉

陳設金鼓○又定凡遇祭祀以漢冠軍軍使二人

陪祀○乾隆十七年奏準大祭

北郊祝版亭先一日本衛委官率校尉昇至

午門外蒞太常寺官奉出恭設亭內官率校尉昇  
至祀所

神庫安設引仗前導祀日請

神牌委官率校尉昇鳳亭

一本衛官除授原定掌衛事大臣員闕由領侍  
衛府將應補之領侍衛內大臣內大臣職名開  
送兵部題請補授滿鑾儀使員闕於滿冠軍使

及一等待衛內簡選滿冠軍使員關於滿雲麾  
使內簡選滿雲麾使治儀正員關於滿治儀正  
整儀尉內以次簡選如選不得人行文領侍衛  
府簡選三旗三等待衛擬補雲麾使藍翎侍衛  
擬補治儀正滿整儀尉員關於滿洲蒙古世爵  
及佐領內簡選均由衛引

見補授漢鑾儀使員闕由兵部將直省提督總兵官  
及本衛漢冠軍使職名開列題請補授漢冠軍

使員關於漢雲麾使內簡選漢雲麾使員關於  
漢治儀正內簡選漢治儀正員關於漢整儀尉  
內簡選漢整儀尉員關於漢軍世爵及佐領內  
簡選均由衛引

見補授○又定大計軍政屆期均由衛注考冠軍使  
以下密咨兵部主事以下密咨吏部彙疏以

聞○雍正三年奉

旨漢整儀尉員關於漢軍領催驍騎閑散人等內簡選

引見補授○乾隆十三年奏準本衛額設滿漢各官  
不敷差委嗣後將漢武進士簡拔侍衛藍翎侍  
衛者每科以十有五人撥入本衛一同當差行  
走其升用之處仍照侍衛之例○十七年奏準  
每科武進士簡拔侍衛者十人之内以四人撥  
入本衛當差行走若數有多寡照此酌撥○十  
九年奉

旨掌鑾儀衛內大臣員闕由領侍衛內大臣將領侍



衛內大臣內大臣開列請旨補授不必由兵部具奏

一軍尉原定佩儀刀弓矢戈戟用上三旗親軍  
執豹尾槍馭仗馬用內府護軍均於臨時傳用  
服緣領織金壽字石青段衣冬戴紅絨緯染黑  
獺皮帽夏戴紅絨緯涼帽事竣仍回原處當差  
奉輦校尉擊執

鑾駕

騎駕鹵簿校尉均服紅紬團花遜衣束綠紬帶冬戴紅絨緯豹皮帽夏戴紅絨緯黑氈帽均安銅

頂

奉輦用起花抹金擎執用素銅

插黃翎擎執

大駕鹵簿校尉及和聲署史均服紅紬團花遜衣束綠紬帶戴紅絨緯黑氈帽銅頂插黃翎內有擎執金器校尉冬戴紅絨緯染黑獺皮帽夏戴紅絨緯涼帽○又定朝祭陳設鹵簿兼用旗尉

民尉

巡幸皇城陳設鹵簿用旗尉

時巡省方陳設鹵簿兼用旗尉民尉

皇太后

皇后儀駕

皇貴妃

貴妃儀仗

妃

嬪采仗用旗尉

皇貴妃以下紅絨緯黑  
檀帽銅頂上插金黃銅

大內陳設則用內監○又定奉輦旗尉百六十八

名擎執旗尉二百四十六名內頭役五十二名

奉輦擎執各  
二十六名

每名月給銀二兩五錢餘各月給

銀二兩每名每年均各給米四十二斛二斗奉

輦民尉六十名每名月給銀二兩米折銀一兩

八錢三分三釐三毫左右中前後五所民尉共

千三百二十八名內字旗十有五名頭尉三十

八名每名均月給銀五錢米折銀四錢五分五

釐馴象所民尉共二百有六名內字旗三名頭尉一名每名月給銀五錢米折銀四錢五分五釐旗手衛民尉三百二十二名內字旗六名頭尉四名每名月給銀五錢米折銀四錢五分五釐鼓手旗尉八十八名內頭尉八名月給銀米與五所同上三旗鳴蒙古畫角軍三十名內什長三名每名月給銀四兩餘各月給銀三兩每名每年均各給米四十八斛○又定旗尉關於

內府旗鼓佐領內管領下匠役園戶閒散人內  
選補鳴畫角軍闕於上三旗蒙古佐領下護軍  
驍騎閒散人內選補民尉闕行文五城將殷實  
良民保送充補餉象民尉闕卽以民尉所生之  
子充補○又定校尉有犯部院各衙門移咨本  
衛令該管官察送○雍正六年奏準民尉闕如  
不得其人於內府旗鼓佐領下閒散人內選補  
○乾隆七年奏準鼓手旗尉八十名並頭尉八

名均撥入樂部改名署史令其學習音律又民  
尉六十名見以內府匠役閒散人等借補今將  
此六十名竟改用旗人亦撥入樂部學習音律  
其月給銀米及補革等事均由樂部辦理若遇  
本衛差使仍令照舊承值○十三年奏準本衛  
額設民尉千八百五十六名內有字旗二十四  
名頭尉四十三名均一例月給銀米九錢五分  
五釐但字旗頭尉每日衙門辦事兼令約束各

民尉當差之處較繁用度實屬不敷是以向來  
有私行幫貼之弊應將字旗連本身所有錢糧  
每名月給銀二兩五錢頭尉連本身錢糧每名  
月給銀二兩○又奏準本衛擎執旗尉二百四  
十六名原按應用之數設立今

大駕鹵簿新增儀仗一百十有二共應用旗尉三  
百六十二名除額設外尚少一百十有六名嗣  
後遇陳設時所少之人行文內務府將食錢糧



服役人等撥送令穿遜衣擎執並委內管領約  
東事竣仍令回原處當差

一譙漏原定本衛每夕委官率校尉登鐘鼓樓  
直更○又定額設更夫二十名由兵部於八旗  
漢軍佐領下驍騎正身閒散人內選補送衛當  
差每名月給銀三兩共養馬十匹每匹月給草  
料銀三兩遇

巡幸隨圍及

駐蹕等處撥往直更候時更香由兵部行文光祿寺

給發○又定

巡幸御營門前每日黎明時本衛扈從官率蒙古鳴  
角軍鳴畫角署史鳴大小銅角日晡時鳴畫角  
間作銃歌清樂銃歌大樂數闋引退即嚴更鼓

○又定遇

郊祀先期

駕宿

齋宮旗手衛官率校尉設鼓角三鳴畫角起更發  
搗○又定

郊壇內守更均令本衛官校承直○康熙三十一年奏  
準增設更夫十有二名○六十一年奉

旨神武門鐘鼓著鑾儀衛官校承直○雍正十年議準  
更夫馬十匹全裁遇有隨圍差使由兵部撥給  
八旗官馬盤費等項仍由衛支給○乾隆三年  
奏準更夫三十二名不敷應用再增設八名共

四十名以供應差○十四年

諭朕於

兩郊大祀先御齋宮以齋一思慮間之記曰齋者耳不  
聽樂孔子曰三日齋一日用之猶恐不敬二日伐  
鼓何居言不敢散其志也今齋宮宵漏下鳴畫角  
嚴鼓以為節雖異於宮懸合奏而吹角鼓鑿軍中  
之容豈所謂專致其精明者歟此蓋相沿前明弊  
典未更後此嚴更鼓角不當用之齋次大學士會

同該部定議載入會典欽此遵

旨議準嗣後一應典禮陳設鹵簿應用鼓角仍照舊  
遵行其

齋宮吹角嚴鼓之舉與禮意未協應請停止以昭  
肅穆○二十年奏準

大閱日陳騎駕鹵簿於

行宮門外

駕出作鐃歌大樂奏壯軍容之章

回鑾作鏡歌清樂奏皇威之章○又奏準

大閱前期未起更時於

行宮門前鳴角鼓鑾

欽定大清會典則例卷一百六十九

欽定四庫全書

欽定大清會典則例卷一百七十

領侍衛府

一

宮門宿衛三旗侍衛各分六班

乾清門

內左右門為內班左右翼侍衛各三十人侍衛班  
領各一人署班領各一人率侍衛入直晝坐門



禁夜守局鑰

太和門為外班三旗侍衛什長各一人率侍衛暨  
入侍衛班之親軍三十人入直每班以領侍衛

內大臣一人內大臣或散秩大臣一人統之如

侍衛內大臣或奉差或兼他職以  
內大臣散秩大臣奏簡署理

中和殿以散秩大臣一人率外班侍衛親軍十人  
入直

一

巡幸宿衛

御營以內大臣一人散秩大臣一人入直

御前大臣侍衛及

乾清門侍衛分五班更番入直

御營正門內班侍衛二十人侍衛班領一人前東

西隅侍衛各十人侍衛班領一人後東西隅侍

衛各十人署班領二人正門外侍衛什長三人

率入侍衛班之親軍三十人宿衛○恭奉

慈輿行幸

皇太后行營正門侍衛班領一人侍衛十人後隅署班  
領一人侍衛十人

一朝會扈從

皇帝御太和殿受朝前引侍衛二人自

乾清門後左門引至殿後止後扈大臣二人自

乾清門扈從

如繫自

宮內隨出後同

御前大臣前引大臣十人

於

殿北階下立候

駕至前引十大臣按翼前導進

殿由左右趨至

寶座前北上東西面序立後扈大臣二人隨升於

御座後東西僉立豹尾班侍衛於

寶座下雨旁序立○大朝日先於

中和殿行禮前引十大臣內大臣散秩大臣侍衛

與部院有執事官於

中和殿南兩旁序立均東西面北上

駕御中和殿座鴻臚寺官引東西班各官就拜位北

面立後扈大臣於

殿階視排班齊趨入班行三跪九叩禮

殿前後直班侍衛各就立處隨行三跪九叩禮畢

內大臣侍衛先由

太和殿後門趨入各供執事後扈二大臣進至階

下前引十大臣進至

御道左右

駕興導從如前

駕御太和殿慶賀禮成

駕還宮直日侍衛班領率豹尾班侍衛於

乾清門階下

御道左右行三跪九叩禮

御殿

賜茶前期行文禮部移取進

殿兩翼王公大臣職名如數分委侍衛至期侍衛  
班領四人什長四人率侍衛隨尚茶正尚茶昇  
茶案自

殿階二成左右升一成中階至

殿檐下侍衛等分立兩旁竝尚茶大臣進茶退侍  
衛班領二人由左右門入

殿視三等以下侍衛各奉茶入先授王公次授後  
扈前引大臣茶什長四人由左右次間門入視

侍衛徧及殿內外大臣及講官茶畢出隨茶案由兩旁魚貫而退○大燕日筵進酒大臣進酒退內府執事官舉反坫至檐下

御前侍衛各奉卮酒進至

御前以待

親賜王公大臣酒領侍衛內大臣二人起立指示一二等侍衛巡酒分賜王公百官皆徧及失儀者劾之○外國來朝及召見使臣或於



便殿或於

駐蹕行宮前引後扈大臣皆侍班

御前侍衛

乾清門侍衛直日侍衛班領率豹尾班侍衛均於殿內按翼序立其應入坐次王公大臣侍衛均由

領侍衛內大臣辦理

恩賜曲燕同

駕詣

皇太后宮行禮前引侍衛二人自

乾清門前導至

永康左門止

還宮導如前至

乾清門止前引大臣十人於

隆宗門內立豹尾班侍衛於

乾清門階下立候

駕至前引大臣按翼前導將至

慈寧門階止豹尾班侍衛隨至左右牆角止後扈大

臣隨升階

上行禮時在後僉立前引十大臣入於隨從

御前大臣班內按翼行禮禮成仍前引至

隆宗門內止

駕還宮後扈大臣率侍衛班領豹尾班侍衛赴

慈寧宮門外階下甬道左右行三跪九叩禮

御門聽政屆時直班侍衛引部院翰林科道等官由

後左門入

日常入奏官亦均由侍衛引進 豹尾班侍衛於

乾清門階下左右牆角立領侍衛內大臣直班內

大臣侍衛於左右階下侍衛班領每翼一人於  
階上左右楹前立

御前侍衛隨

駕出同

乾清門侍衛於

御榻兩旁立

上御座直日侍衛三人隨第一部奏事官至階下侍  
衛止部臣升階奏事畢降階仍隨退各部依次  
以三人隨進退如之至大學士等升階侍衛班  
領各侍衛由左右階降同階下侍衛均退立於  
螭頭左右竢大學士奏對退仍升階各就原處  
立

駕還宮

御前侍衛隨入餘各退如

御箭亭侍衛二人前導至降輿處止豹尾班隨行掌蓋於

御前擎蓋凡出入禁城

行幸亦如之

耕耨饗

先農禮成

御具服殿前引大臣於殿前階上立

駕詣耨田引至耕所蒞進犁鞭畢前導往返三推禮

成引由觀耕臺午階升於

御座前左右侍立禮成右翼趨過同左翼由東階降  
引出後扈大臣隨從如儀

御經筵日侍衛二人前導至文華門止後扈大臣隨  
至

寶座左右僉立

御前侍衛

乾清門侍衛於

寶座後兩旁豹尾班於殿外階下均左右序立

一

宮禁扈從

皇太后

皇后

妃

嬪出入以

乾清門侍衛四人暨侍衛十人前導如出郊外前



引侍衛二十人其餘侍衛在豹尾班後扈從

一祭祀扈從

太和殿

躬閱祝版香帛後扈大臣二人從前引侍衛二人由

乾清門後左門引至

太和殿後止豹尾班侍衛隨入

殿於

寶座後立

中和殿

躬闋祝版前引侍衛由

乾清門引入

保和殿至

中和殿後止豹尾班隨入

殿立如前

闋畢引由

中和殿東階降入後左門

還宮凡前引侍衛出入皆由左右門升降皆自東西

階

躬祀

壇廟日除内外直班内大臣散秩大臣暨後扈前引大臣豹尾班侍衛有執事侍衛外内大臣散秩大臣侍衛皆齋戒隨

駕出至祭所各入班陪祀凡内大臣侍衛均於

紫禁城内齋宿以領侍衛内大臣侍衛班領什長

稽察祀日

上受福酒福祚用侍衛恭接豫由領侍衛內大臣簡

選一二等侍衛引

見三旗

簡用六人每祀以二人執事

奉先殿奠帛獻爵宗室侍衛六十人由領侍衛內大臣

列名奏

簡前期據掌儀司來文如數發往

駕詣

壇廟及詣

齋宮齋宿均於前期咨取宗人府王公二人前鋒  
護軍統領一人科道二人各部司官四人同散  
秩大臣一人侍衛班領一人署侍衛班領一人  
侍衛什長二人在豹尾班後列隊管轄前期一  
日繕名籤具

奏又於

午門

壇廟

堂子門外前引後扈大臣暨

御前大臣侍衛上馬下馬處分委親軍校親軍馭馬  
駕出陳設鹵簿前引侍衛二人自

午門外乘馬

御輦前後執鐙侍衛四人輦前執提鑪侍衛二人皆  
步從輦後豹尾班執槍侍衛十人佩儀刀侍衛

十人佩弓矢侍衛二十人選身體魁梧四品以上者以領侍衛內大臣一人侍衛班領二人領之黃龍大纛以領侍衛內大臣一人

或用內大臣散秩大

臣一侍衛什長二人領之

南北

郊壇前引侍衛二人自

乾清門前引至

午門外止前引大臣十人於

太和門北階下立豹尾班侍衛於

乾清門階下立候

駕至前引大臣按翼前導後扈大臣按翼隨行自

午門外乘馬至壇門下馬及

壇豹尾班侍衛於

壇內壇門外兩翼序立前引大臣

圜丘於三成階上

方澤於二成階下按翼北上東西面侍立後扈大臣隨



升壇於

駕後僉立○

祈穀於

祈年殿前引大臣由左階升

駕入殿門按翼於中門外北上東西面侍立後扈大臣隨入於

駕後兩旁僉立豹尾班侍衛隨入至三成階下左右

僉立餘儀與前同○饗

太廟前引扈從等儀與

祈年殿同恭遇

親告於

中殿前引大臣由

殿東導引升

中殿東階至階上族

駕入左門按翼於中門外北上東西面侍立豹尾班

侍衛入戟門左翼由

前殿東隨行右翼由

前殿西各行至

中殿東西階下序立如前禮成由

前殿西行至戟門隨出

躬祭

奉先殿前引大臣十人於

景運門內立

駕至前引大臣十人引由

誠肅門

奉先門左門入餘與饗

太廟同

後殿上香行禮前引大臣十人由東夾道引進至

後殿候

駕入殿門按翼於中門外穿堂內北上東西面侍立

豹尾班止立於夾道門外

躬祭

社稷壇前引大臣十人於

駕後北上東西面侍立後扈大臣二人在後僉立  
上陞壇上香後扈大臣隨升餘如前儀

親祀

日

月壇前引後扈儀與

北郊同○展拜

堂子前引大臣十人由

太和門前導至

堂子街門引進內門中門由甬道引至丹陛止候

駕過皆於甬道北南嚮立隨行禮畢左翼五人趨過

甬道仍由內門中門引出如遇拜纛引出內門

嚮南引至纛前退立

駕後南上東西面侍立禮成引出

親告

傳心殿前引後扈如常儀入

景行門至

傳心殿門外

駕入殿後扈大臣隨入前引大臣止於

殿門外豹尾班止於

景行門外階下均左右序立

躬祭

陵寢饗殿前引大臣十人由幄次導引後扈大臣二人

從由

隆恩門左門入升

隆恩殿左階

駕入

殿門後扈大臣隨入前引大臣於中門外豹尾班於階下均分左右北上東西面序立禮成如

駕詣

明樓前前引大臣引由東階降自殿東至

陵寢門外止立後扈大臣隨入豹尾班由殿東西行立



於

陵寢門外左右階下

躬謁

山陵惟後扈大臣扈從如常儀

孝賢皇后陵寢豹尾班分翼立於大門外左右階下

內大臣侍衛皆不隨入於門外隨班行禮

一

巡幸扈從

車駕時巡田獵

御前大臣侍衛

乾清門侍衛皆從六班輪直侍衛或一班或兩班  
隨往

乘輿出入以直班侍衛二人前導與在京同如奉

皇太后慈輿行幸則三班隨往日以侍衛二十人前導  
二十人左右翊衛均屬橐鞬豹尾班侍衛二十  
人後衛以領侍衛內大臣一人侍衛班領二人

領之黃龍大燾前以領侍衛內大臣

或內一人  
大臣

散秩大臣一人侍衛什長二人領之

御前擎蓋以

乾清門侍衛更番執事

皇太后輿前以侍衛前導翊衛後從均如前儀

皇子遣祭

陵寢或奉差遣圍獵奏簡領侍衛內大臣一人散秩大

臣二人率侍衛隨從護衛

一常朝坐班三旗領侍衛內大臣侍衛隨侍衛班親軍均分兩翼鑲黃旗為左翼正黃旗為右翼正白旗半為左翼半為右翼每日黎明除內外班直宿內大臣侍衛外內大臣侍衛等均會集於

太和門門左右次各設榻二重東西嚮散秩大臣以上得與坐本班侍衛按次坐於兩稍間負壁北上東西嚮鑲黃正黃二旗侍衛在東西三四

卷一百一十五  
間一等侍衛齊前楹為第一班二等三等藍翎  
侍衛為二三四班東西上正白旗侍衛在東西  
次間各二行北上均北面序坐三旗前鋒護軍  
叅領列坐於左右門之外各東西嚮王公入朝  
領侍衛內大臣以下咸降榻坐於一等待衛之  
前直班侍衛什長令侍衛知會尚茶由內

頒茶左右各二簫至門下兩翼侍衛什長各二人起  
立視侍衛等分授王公內大臣及前鋒護軍叅

領一二等侍衛茶宗室侍衛漢侍衛不散茶新授侍衛隨學習侍衛班領什長教之茶畢以次退凡遇齋戒日素服日不

頒茶

萬壽聖節元日前後凡七日元宵節前後凡三日朝晡二次上朝亦如之

一朝會坐次順治年間定

皇帝升殿受朝羣臣行禮畢

賜王公大臣坐後扈大臣二人於

御座旁左右僉坐前引大臣十人於

寶座前東西面坐領侍衛內大臣內大臣散秩大臣  
於入八分公後第三行上三旗護軍前鋒統領  
侍衛各按品級於四五行以次序坐○又定  
元日元宵節

賜大臣燕領侍衛內大臣內大臣散秩大臣兼武職  
之文大臣都統前鋒統領護軍統領暨各省來

京

陛見之將軍都統總管城守尉均按班次序坐○又定每歲終將應入坐次之一品大臣及前鋒護軍統領外省來京將軍等職名開列進

呈恭候

欽定○又定大燕日開列王公大臣奏請

欽命一人進酒○乾隆二年奉

旨大學士著入殿坐領侍衛內大臣之上○八年奉



旨嗣後御殿日殿內祇令大臣等坐侍衛等皆令侍立不必坐○十五年奉

旨嗣後大學士坐次仍著在領侍衛內大臣之上協辦大學士事務尚書著在領侍衛內大臣之下署領侍衛內大臣之上

一升除領侍衛內大臣員闕除奉

特旨補授外將滿洲都統內大臣散秩大臣及各省滿洲將軍職名開列具奏恭候

欽簡內大臣員闕將散秩大臣都統前鋒護軍統領  
各省滿洲將軍職名開列亦如之散秩大臣無  
定額多由

特恩補授或一時不敷差委於八分不入八分公  
民公侯伯子男鎮國輔國將軍及一等侍衛內  
簡選引

見或授散秩大臣或委署散秩大臣均恭候

欽定世襲散秩大臣員闕移咨該旗辦理○康熙七

年奉

旨額英吉德立額駙巴克貝勒此二人自各蒙古未歸之前來歸故改入滿洲旗勿令散秩大臣間斷○三十七年將額英吉德立額駙巴克貝勒兩族人

員引

見奉

旨著曉諭巴克貝勒族人等伊族之圖胡祿克見任散秩大臣族圖胡祿克年老休致後仍將伊族人員引

見勿致斷門上大臣欽此○五十六年

諭朕近日簡閱

實錄見武功郡王事蹟深為嘉嘆今日問諸吉理其孫  
內無一榮顯大員吉理著授為散秩大臣嗣後散秩  
大臣必令其孫一人接替朕所降諭旨專為不忘武  
功郡王配享

太廟附葬興京

陵寢特表識之欽此○六十一年奉

旨達爾漢轄於

太祖高皇帝時以子撫育宮中與王等一同行走聞

實錄內載於五大臣之中著有勞蹟非可以遺棄之家  
其孫希佛官階已大著授為散秩大臣今在門上行  
走又思正紅旗公彭春之祖和里額駙當

太祖皇帝時原在五大臣內正藍旗鄂善之祖達爾漢  
額駙亦在五大臣之內乃我家當年同一處之人伊  
等之事朕不降旨則致遺棄該旗王等何由得知此

兩家雖籍隸五旗著察其子孫內有可授散秩大臣者引見補授散秩大臣在朕門上行走再十六大臣內布爾金侍衛之孫原在部行走曾在景山馬射傷足即見任鑲紅旗嚮導護軍叅領額里格之父年不甚老亦著引見○雍正十年奉

旨阿齊圖緣罪革職從前

皇考恩旨令額英吉德立額駙巴克貝勒族中不斷一散秩大臣見今阿齊圖族中奏事侍衛寶德人去得

著授為散秩大臣二等侍衛安褚庫人亦去得見在  
巴里坤軍營亦授為散秩大臣○鑾儀衛掌衛事內  
大臣員闕將領侍衛內大臣內大臣列名疏請  
補授○隨印協理事務侍衛班領員闕於侍衛  
班領署班領什長內不論等級遴選引

見補授○侍衛班領員闕於署班領什長內遴選署  
班領什長員闕於侍衛內遴選亦如之初選侍  
衛皆授為三等及藍翎侍衛歲以冬月推升一

等侍衛員關於該旗二等侍衛內二等侍衛員  
關於三等侍衛內三等侍衛員關於藍翎侍衛  
及五品以上世爵親軍前鋒護軍諸校內藍翎  
侍衛員關於該旗侍衛筆帖式及七品官世族  
子弟並親軍前鋒護軍執事人內均引  
見補授至勲戚後裔內有

特旨初選即授為一二等侍衛者即坐補本旗員闕  
宗室侍衛會宗人府王公引



見補授不論鎮國輔國奉國奉恩將軍先選三等侍衛遇員闕以次升補亦如之○上駟院侍衛每旗七人司轡司鞍侍衛無定員隸上駟院其兼尚虞鷹鷄房鶻房狗房十五善射善騎射善射鵠善強弓善撲等侍衛各有專管統在三旗額內均無定員○上三旗及附入於上三旗之下五旗親軍校員闕由領侍衛內大臣遴選引

見補授親軍關於本佐領下護軍驍騎及教養兵間

散壯丁內選補隨侍衛班行走之親軍由本旗  
親軍內遴選弓馬人材及世胄子弟拔補均由  
隨印協理事務侍衛班領遴選呈本旗領侍衛  
內大臣補授○順治年間以漢廕生簡選侍衛  
量給等次○康熙二十九年議準新中武進士  
內人材強健弓馬優長者拔置侍衛附於三旗  
一例置宿扈從○三十七年奉

旨以宗室中人優而善射者選取侍衛無定額○雍正

五年奉

旨一甲一名武進士授為一等侍衛二名三名授為二等侍衛二甲簡選十人授為三等侍衛三甲簡選十人授為藍翎侍衛永為定例○七年議準宗室侍衛共設九十人并入三旗隨班行走此內一等侍衛九人二等侍衛十有八人餘皆著為三等侍衛宗人府會領侍衛內大臣遴選引

見補授其侍衛什長即於宗室侍衛內補授○主事

員關於三旗侍衛筆帖式內遴選引

見補授移咨吏部注冊按俸升補筆帖式員關於貼  
寫筆帖式內按資開列咨吏部考職補用三年  
期滿如題留者候補本處主事移咨吏部者由  
部調選貼寫筆帖式員闕主事於親軍內考試  
拔其尤者呈領侍衛內大臣覆驗補用

一統領親軍三旗每佐領親軍二名鑲黃旗滿  
洲八十五佐領蒙古二十八佐領共親軍二百

二十四名內親軍校十有五人五旗移入六十  
五佐領親軍一百三十名內親軍校十人○正  
黃旗滿洲九十三佐領蒙古二十四佐領共親  
軍二百三十四名內親軍校十有五人五旗移  
入六十七佐領一半佐領親軍一百三十五名  
內親軍校十有一人○正白旗滿洲八十六佐  
領蒙古二十九佐領共親軍二百三十名內親  
軍校十有五人五旗移入五十八佐領一半佐

領親軍一百十有七名內親軍校九人三旗親軍每旗選六十人隨侍衛班行走其餘親軍校親軍盡隨三旗護軍營護軍校護軍一同直宿當差

一考察甄別侍衛例不入軍政其有人材不及行走怠惰及年老有疾者該侍衛班領什長隨時據實呈明領侍衛內大臣覆覈分別去留具奏請

旨恭候

欽定

京察之年考覈領侍衛府主事筆帖式賢否出具  
考語填造四柱清冊移送吏部都察院吏科京  
畿道考察

一習射鑲黃旗每月於初二十六日騎射初六  
十一二十一二十六日步射正黃旗於每月初  
三十七日騎射初七十二二十二二十七步

射正白旗於每月初四十八日騎射初八十三  
二十三二十八日步射○雍正三年奏準三旗  
親軍令侍衛班領及親軍校管束察其騎射行  
走該旗差務仍照常例行

一服飾後扈前引大臣一二等侍衛升級新補  
者歲於十二月行文內務府支領緣貂朝衣端  
罩豹尾班侍衛支領蟒袍恭遇

巡狩支領黃馬褂○內大臣侍衛入朝均挂數珠除



御前侍衛

乾清門上駟院侍衛及各執事侍衛外咸佩刀直

宿暨

巡狩駐蹕宿

御營內大臣以下咸佩刀○凡

大閱領侍衛內大臣至親軍咸甲冑侍衛什長親軍

校咸員龍旗班領二人率親軍鳴海螺○凡遇

簡命重臣為將或經畧督師應否

頒給黃龍大纛由領侍衛內大臣臨時請

旨

一兼職領侍衛內大臣補授內閣大學士各部  
院尚書掌鑾儀衛事八旗都統者兼攝辦理出  
為將軍總督者其領侍衛內大臣事務

欽簡署理內大臣散秩大臣亦如之

一養廉領侍衛內大臣每人歲給銀九百兩內  
大臣散秩大臣四百兩均於春秋二季咨戶部

支領領侍衛內大臣兼閣部者並支內大臣散秩大臣兼侍郎副都統者不并給兼將軍總督巡撫者不給

御前侍衛

乾清門侍衛及批本處筆帖式每年賞銀萬兩於戶部支領按人數均分

一優卹雍正七年定三旗各領銀二萬兩生息以資公用由各旗協理事務侍衛班領辦理○

乾隆十四年奏準此項銀交各該旗辦理所得之息交內務府廣儲司收貯用時陸續於廣儲司支領仍令協理事務侍衛班領收管○三旗內班侍衛每旗各日給飯銀二兩外班侍衛人各給飯銀五錢貼班侍衛每人給飯銀亦如之入侍衛班之親軍在

圓明園直班每班各給飯銀二錢五分在外直班之親軍校親軍每人各給飯銀一錢五分均於

公用銀內動用○凡侍衛月給馬乾制錢三貫  
咨各該旗轉行戶部支領領侍衛府主事筆帖  
式於

圓明園直班每人領飯銀五錢在京十十一十二  
此三月每旗領飯銀八兩餘月五兩○侍衛奉  
差無論遠近給以幫貼銀十兩亦於公用銀內  
動用凡公用銀每於年終逐款開明送廣儲司  
奏銷

原書葉次詳號

欽定大清會典事例

欽定大清會典事例

三

欽定大清會典則例卷一百七十